


## Imigassamik eqqussuineq qaffariaqqippoq

2005-imi imigassaq eqqutaq 515.000 literiuvoq ukiup siuliani 492.000 literiusimalluni, tassalu qaffariaat 4,7 procentiulluni. Tamatuma naligaa inummut ataatsimut 14-t sinnerlugit ukiulimmut imigassaq akoqanngitsoq 12 liter sinnerlugu. Viinni eqqunneqartoq alliertortuarpoq, kisiannili immiaararteruvugut eqqunneqartut katillutik 2/3-iat missiliorlugu.

Tamanna takuneqarsinnaavoq saqqummiussami Naatsorsueqqissaartarfiup nittartakkamini [www. Statgreen. gl](http://www.Statgreen.gl)-imi tamanut saqqummiuteqqammigaani *‘imigassaq Kalaallit Nunaannut eqqunneqartoq 2001-2005’*.

Ukiuni marlunni malittuinnarni imigassaq eqqunneqartoq allertarpoq, takuuk titartagaq 1, ataatsimut isigigaanni 2002-misut qaffasitsigilerluni. Ukiumiilli ukiumut nikerarnerat atuinermi nikerarnerit saniatigut, quersuarniititat nikerarnerannut takussutissaavoq.

### Titartagaq 1 Imigassamik akuitsumik eqqussuineq



Ukiuni kingullerni imigassap eqqunneqartup qanoq katitigaanera malunnaatilimmik allangorsimavoq, takuuk tabeli matuma kinguliiniittoq.


**Tabeli Imigassat aalakoornartuttallit eqqussat suunerinut aggaurlugit 2001-2005**

	2001	2002	2003	2004	2005
----- imigassaq akuitsoq procentinngorlugu -----					
Katillugu .....	100,0	100,0	100,0	100,0	100,0
Immiaaqqat.....	70,1	67,2	68,5	65,8	65,3
Viinnit.....	17,6	19,7	20,2	22,2	22,7
Imigassat kimittuut .....	12,3	13,1	11,3	12,1	12,0

Takusinnaavarput immiaaqqat eqqunneqartut 2001-imi 70,1 procentusimasut 2005-imi 65,3 procentimut apparsimasut. Akerlianik viinnit eqqussat 17,6 procentimut 22,7 procentimut qaffassimapput, imigassalli kimittuut ataatsimut isigalugu allanngorsimanatik.

Ukiulli amerlanerusut qiviaraanni imigassaq eqqunneqartartoq appariarsimavoq, takuuk titartagaq 2. Soorlu imigassamik akuitsumik atuineq 1990-imi atuineq 15,5 liter missilorsimavaa. Nunani qanitatsinni atuineq alliaartorsimasoq Kalaallit Nunaanni atuineq 1990-ikkunni appariartorsimasoq takuneqarsinnaavoq.

**Titartagaq 2 Inuit 14/-nit<sup>1</sup> sinnerlugit ukiullit imigassamik akuitsumik atuinerat**



<sup>1</sup> Imigassamik Kalaallit Nunaannut eqqussuineq Paasisaqarfik. Nordisk Statistisk Årbog 2005.

**PDF-filitut** Saqqummersitaq 'Imigassamik Kalaallit Nunaannut eqqussuineq 2001-2005' pdf-filitut aaneqarsinnaavoq Naatsorsueqqissaartarfiup nittartagaani [www.statgreen.gl](http://www.statgreen.gl).

**E-mailimut ilaasortanngorit** Siunissami kisitsisitut paasissutissat nutaat Naatsorsueqqissaartarfiup nittartagaatigit tamanut saqqummiussat paasiumagukkit qarasiakkut nutaarsiaffivitsinnut ilaasortanngorsinnaavutit: Iserfigiuk [www.statgreen.gl](http://www.statgreen.gl) menup saamiatungaani toqqassavat "nyhedsbev" ilaasortanngorlutillu. Taava siunissami e-mail pissarsiarisassavat kisitsisitigit paasissutissat tamanut saqqummiunneqarneri tamaasa.

Annertunerusumik paasisaqarusukkuit saaffigisinnaavatit statistikksulent Nauja Bisgaard, telefoni toqqaannartoq 34 55 75 imaluunniit e-mailikkut [NBIS@GH.GL](mailto:NBIS@GH.GL).

Ikinngutinnersumik Inuulluaqqusillunga

Nauja Bisgaard  
Fuldmægtig